


慧上菩薩問大善權經
上

八十九
推一

47665

100



和
 平
 館
 藏

慧上菩薩問大善權經卷上

一名善權方便所度無極

推

西晉三藏竺法護譯

聞如是一時佛遊舍衛城祇樹給孤獨園與
大比丘衆俱比丘八千諸大弟子學戒具足
菩薩萬二千一切聖通無所不達已得摠持
辯才無量不起法忍其德無限徹覩諸相應
病授藥為師子吼救濟十方衆法百千莫不
蒙度尔時世尊從燕坐起斯須未久與無數
之衆眷屬周帀而為說經時會菩薩名曰慧
上即從座起更整衣服長跪叉手前白佛言
願欲有所問唯如來至真聽者乃敢陳說世
尊告曰恣所欲問佛當為汝開解結滯慧上

白佛所云善權爲何謂乎佛告慧上善哉善哉族姓子多所愍傷哀念安隱諸天人民勸化將來道引三塗開闡佛法獲微妙慧乃問開士善權方便佛言諦聽善思念之吾當爲汝申暢其要慧上菩薩及與衆會受教而聽於是佛告慧上曰族姓子善權開士以一搏食隨時方便弘施流普勸發黎元墜畜生者使此二品悉趣德本興諸通慧其心曉了具足佛慧是謂善權方便又族姓子善權開士若人殖德勸讚代喜以斯善本則施衆生以覺之心順一切心而不墮落講斯教已成諸弟子緣覺之乘爲諸通慧是謂善權善

權方便又族姓子善權開士十方諸樹其華
暎暎香氣芬馥人所欽尚而無主名敬採集
合奉散諸佛誓以德本已及衆庶志諸通慧
使備道明具獲無量戒品定品慧品解品度
知見品是謂菩薩善權方便又族姓子善權
開士愍察群萌在安助喜彼患代受以諸通
慧因緣方便建立德本用施衆類爲十方世
界誓被德鎧其遭惱害者則救攝所患代受
其罪勸以通慧使獲大安是謂菩薩善權方
便又族姓子善權開士供一如來觀察諸佛
法身平等戒定慧解度知見品亦復如之知
是供養一如來等則爲奉養十方諸佛所見

供祚開士歷受施祐衆生是謂菩薩善權方便又族姓子善權開士敢所生處其所往處不計吾我未曾自輕如今諷讀四句之偈觀察其義我心不怯言羸宣顯備具不想利養蓋諸佛土若入國邑輒興大哀踊躍說之誓願聞吾四句偈者皆成諸佛無礙辯才是謂菩薩善權方便又族姓子善權開士假使生在貧匱之門設行乞匄求一勺饒無鄙劣心轉奉賢衆若惠獨人內自惟察如來有言務恢廣施今吾乞與所進微渺逮諸通慧誓意無量殖斯德本勸發衆生僥獲寶掌若如來至真等正覺也以斯妙慧光讚勺供所服納者持

戒學道緣崇功德多所彼致是謂菩薩善權
方便又族姓子善權開士與諸弟子緣覺俱
遊心不同歸見人供養弟子緣覺意不欽獲
興于二念一從菩薩心成佛世尊二弟子緣
覺因佛法生造斯觀已諸所供養未以為上
吾所學習則三品最觀無適莫無所貪樂是
謂菩薩善權方便又族姓子善權開士行一
布施則具六度無極何等六度善權開士見
貧乞者具足大施無慳貪心斯施度無極身
自護禁奉持戒者其犯惡者使立戒法尋而
給施令無所毀斯戒度無極若瞋恚者御以
慈心淨心明心愍哀等心興設布施斯忍度

無極隨宜供辦飲食之饌身口意行身等如
空斯進度無極一心等施進止卧夢而無亂
行斯定度無極如茲施已御念諸法誰有施
者何所食者誰受報應造斯求者法不可得
不見施者及食施者無受報應斯慧度無極
是族姓子權施若斯則具六度無極之法於
是慧上菩薩白佛言未曾有也天中天開士
丈夫權施具足一切佛法多所攝護振于生
死贍及餘類佛言至哉誠如所云權施雖微
審成衆德無量難計又族姓子行權開士何
謂退還以權方便而以施與縱隨惡友爲之
所拘畢償罪者自觀念言陰種諸入得無不

滅當除斯患乃至無為吾誓當被道德之鎧
任力發起周旋終始則務究竟慧上又問唯
天中天假使有人犯于四罪有所想念發意
出家為菩薩道然後云何佛言設當毀失四
重之禁以權消罪衆患悉除是族姓子為菩
薩道無有罪豐尔時慧上菩薩白世尊曰何
謂菩薩而有罪殃佛言若有開士學得脫戒
得脫戒者則二百五十禁於百千劫服食菓
蘇為人所辱而皆忍之若有想念弟子緣覺
之行開士則為生死根縛如族姓子聲聞緣
覺犯本諸禁不除陰種諸入不得滅度也如
族姓子捨開士行不自改正而有想念志求

聲聞緣覺欲得無上正真之道爲最正覺者
終不能成也於是阿難白世尊曰憶念我昔
入舍衛城而行分衛見有開士名重勝王在
他室坐與女人同床我謂犯穢心用惟慮得
無異人學梵行者於如來教將無造見聞想
念於一切乎時我世尊瞻見立想歎發斯言

三千大千世界而六反振動時重勝王即自
踊身住於空中去地四丈九尺報阿難曰云
何賢者犯禁穢者寧能踊身止虛空乎在如
來前何不問耶何謂菩薩犯罪之法阿難投
身即自悔過曰唯然世尊我甚迷謬如何偏
見求大龍短佛告阿難宜自修慎無察大乘

正士之便而想其闕由如賢者志弟子乘若
一若二同修雜行不當視之狐疑懈廢得無
盡漏如是阿難勿觀善權開士有廢退想於
諸通慧所以者何菩薩大士愛納眷屬業以
三寶不違佛法賢聖衆也使志無上正真之
道佛告阿難若族姓子族姓女心存大乘不
離諸通慧不荒五樂抑制五欲觀于五通得
如來根當知正士與女人俱又聽阿難彼女
人者乃往去世爲重勝王百生之偶宿情未
拔故有色恩貪重勝顏口發誓言若與我俱
得遂所娛當從其教發無上正真道意時重
勝王心知其念晨現整服由斯法門入之其

室觀内外地心等無持執手同處已如其欲
則時頌曰 愚我悖於欲

諸佛所不歎 能蠲恩愛者 得佛人中上

時女喜踊即從座起自投于地歸命自責伏

罪悔過為重勝王而歎頌曰

吾已離諸欲 世尊之所歎 節止恩愛者

願佛無上道 前心之所想 今首自悔過

傷愍諸群生 究竟發道意

尔時重勝王菩薩隨欲化女使發無上正真

道意即從座起而出其室阿難觀斯心持清

淨今吾授彼女法轉女身後九十九劫當得

作佛号離無數百千所受如來至真等正覺

明行成爲善逝世間解無上士道法御天人
師爲佛衆祐以是賢者觀菩薩行所行無短
不墮罪法重勝王菩薩從虛空下稽首佛足
白世尊曰闍士當行善權方便立于大哀若
勸一人導以法本從其所生輒當獲之信於
善權墮大地獄至于百劫所遭苦痛惱劇之
患則當忍之寧化一人使立德本不避此難
世尊告曰善哉善哉正士通達是爲菩薩大
哀之行超度諸受佛告族姓子吾念過世無
數劫時有一學士名曰熾光處于林藪行吉
祥願四百二十萬歲淨修梵行過闕歲已入
沙竭國有陶家女見此學士姿貌姝好端正

絕妙欲意隆崇即自投託學士問姊何所求
乎答曰慕仁學士報言吾不樂欲女曰設不
然者吾將自賊燼光自念吾護禁戒淨修梵
行四百二十萬歲今若毀之非吉祥也念以
捨却離之七步乃發慈悲毀犯禁戒則墮地
獄若不如是女自殘賊寧今斯女獲致安隱
吾當堪忍地獄之痛燼光即還又執其辭而
喻之曰從女所欲幸勿自危學士退居習家
之業十有二年馱礙止足乃淨四等壽終之
後生于梵天佛言族姓子欲知今時燼光學
士豈異人乎莫造他觀則吾身是陶家女者
即瞿夷也彼尚色欲此順其心吾以大哀越

度生死百千之患賢者且觀餘人所犯墜趣
地獄善權開士更昇梵天佛告慧上設舍利
弗大目犍連行善權者不使瞿和離比丘墜
于地獄所以者何吾憶昔者拘樓秦佛時有
一比丘名曰無垢處於閑居國家山窟去彼
不遠有五神仙有一女人道遇大雨馳走避
入無垢比丘所止之窟雨霽出去時五仙人
見女各言比丘姦穢謂之不淨無垢知諸神
仙所念即自踊身在于虛空去地四丈九尺
諸仙見之飛處空中各曰如吾經典所記染
欲塵者則不得飛尋五體投地伏首誣橫假
使比丘不現神變其五仙人墮大地獄

尔時無垢比丘則慈氏菩薩也若舍利弗目犍
連有權飛昇則瞿和離無由陷墜當知此義非
聲聞緣覺所能及知唯獨開士分別曉了善
權方便猶如放逸女人四時莊飾貪財利欲
或無智者變改人性使從其意示於施身敬
重彼人單盡其產逐棄遠之緣所獲入未曾
有悔善權菩薩亦復如斯觀察人根可開化
者以何方便則化立之敬施衆生不吝其身
殖諸德本不藏情匿設使知人已建德本用
其人故續命長益一切欲樂無所貪慕捨除
恩愛令歸於無其心清淨無所繫著猶如蜜
蜂啜採衆華不計常想於華枝葉一無所損

行權菩薩隨俗方便雖樂諸欲不計愛欲不
發常想不自毀身亦不損彼譬如樹種不失
鮮色因而生芽無加茂者如是族姓子菩薩
以空無想不願之法智度無極廣大之慧入
諸塵勞隨所樂行不捨習俗欲不穢身不違
佛歎未曾退轉如捕魚工引網布網恣意所
欲截衆大流收網攝網多所獲得菩薩如是
入空無想不願之法以細微心在一切慧縛
于大欲諸通慧心已無護心自在所獲得生
梵天譬如丈夫工學呪術爲吏所捕五繫縛
之其人自恣則以一呪斷諸縲紲而得解去
如是族姓子善權菩薩五欲自樂普與衆俱

恣其所幸智力術力以一通慧壞一切欲沒
生梵天譬安隱師以一其心無所惡忌變現
蔭苾芘送大賈人或有不愚謗而傷之曰忖察此
師自眷屬財賄尚不全度安能濟衆使免賊
乎將必遺漏無量錢寶於是導師激憤耻之
即從座起秉心堅強帶甲儻刀摧拉怨敵所
護安隱無所亡失行權菩薩執智慧刀隨時
所欲以巧方便安習五樂志弟子乘所不悅
可爲發慈愍云何若此興放逸行尚不自度
何能濟衆降魔怨乎所不堪偕也菩薩以智
慧度無極法善權方便恣意所欲以智慧刀
斷截塵勞裂諸羅網超遊自恣遍諸佛國離

女人土無有瑕穢。尔時有菩薩名曰愛敬。入舍衛大城。普次行乞。至貴姓家。貴姓有女。名曰執祥。在樓館上。聞比丘音。受食便出。則覩其形。發放逸意。其欲甚盛。不得從志。氣絕。命終。其身動搖。比丘見女。興不淨想。即發念言。何謂法樂。自所喜者。計空無實。其猶泡水。無所可尊。耳目鼻口身意。如腐肉搏革。裹皮覆。從足至頂。何所可樂乎。觀無爭訟。無想無念。法無內外。亦無壽命。都無所有。心何所著。亦何所受。永離欲瑕。亦無得也。諦觀諸法。無所起者。愛敬菩薩。即得不起。法忍則時。欣喜踊躍。在虛空去地四丈九尺。繞舍衛城七匝。於時

世尊見愛敬菩薩昇在虛空譬如鴈王神足
無礙自由自在佛告賢者阿難曰汝見愛敬
飛遊進止如鴈王乎對曰已見佛言阿難愛
敬菩薩因色欲行獲諸佛法降伏魔兵則轉
法輪執祥女終轉女人身得生忉利紫紺天
宮自然化有四百八十里殿万四千玉女俱

共侍之緣此之德而發慧心自念何行得生
此乎即知本在舍衛為貴姓女色感愛敬緣
斯貪欲壽終轉女即為男子自然神化無鞅
數眾志於欲著乃獲此報豈況清淨恭肅之
心供養奉事盡敬菩薩乎今伎樂之娛安可
久常當詣世尊及觀愛敬菩薩於是天子與

其眷屬各執天華栴檀雜香威光巍巍俱詣
世尊愛敬大士皆以華香而供上之前稽首
禮遶佛三匝住各叉手而讚頌曰

諸佛無思念

樂最不可量

如來無心意

則獲尊上道

我在舍衛為女人

其大名德不可議

号曰執祥長者息

端正姝妙寶嚴身

以為父母所珍重

有正學子無所著

号曰愛敬威神大

入舍衛城家分衛

我聞其音柔輒妙

歡喜之心取飯食

即自往詣無極法

如來之子愛敬道

吾見彼已起亂心

迷惑愛欲貪放逸

假使不得從我願
當時不能發口言
我以愛欲放逸故
雖不能應于道行
得為男子佛所歎
宮殿則尊微妙好
有萬四千諸眷屬
即時心自發念言
尋時識念如此事
見於愛敬心歡喜
緣是之德獲是報
當為正覺佛弟子

即當壽終用活為
雖奉飯食不能授
則在其處壽命終
降棄瑕穢女人身
即時得生忉利天
以寶合成無等倫
諸婁女樂悉具足
吾何因緣得致此
愛欲之心報應然
以放逸心而貪視
猶如光明照好樹
所在遊欣安任慧

愛欲之心報如此
吾身今即如來子
便當修行恒沙劫
皆由善師因愛敬
供事于道無親屬
修于尊妙道之行
尋時則轉于女身
父母在家皆號哭
心自念言是蠱道
應時天子承佛威
無得罵詈瞋沙門
父母欲得知我不

何況有人供養者
願發求尊佛智慧
未曾捨離大志性
則當供養法奉事
唯願學求在學軌
以放逸心所覩著
便獲勇猛男子形
見死于地自碎滅
衝口罵詈此沙門
往詣父母具解說
將無長夜獲苦惱
吾已踊至忉利天

應時退轉女人身
父母當至安住所
更求救護不可得
時父母聞佛音響
皆和心解眷屬俱
則共稽首兩足尊
悉共恭敬於如來
以何供事應奉佛
唯爲吾等分別說
最勝則知心所念
其欲供養一切佛
父母親屬及男女
聽聞大人之所講
最勝所言仁無異

得爲天子光巍巍
首罵詈罪自悔過
唯有如來爲道慧
彼時勇猛勸化之
同時往詣能仁佛
即自悔過瞋恚心
啓問安住今決正
何謂順法佛衆僧
假使聞者無異心
救出口則說如此
堅固道意御諸想
具足五百無減少
同時皆發大道心
阿難聽我之所語

聽聞大人之所講
最勝所言仁無異
如菩薩行無端底
愛敬菩薩願如此
則當令轉女人形
阿難且觀此名德

以放逸心貪習色
其心天子供養我
彼所供養難計劫
此五百人發道意
何人聞此不供佛
計其愛敬菩薩者

同時皆發大道心
阿難聽我之所語
善權方便住智慧
假使女人愛敬我
得為男子人中上
餘人所因墮地獄

因愛欲變為男子
常以恭敬獲豐安
當得為佛号善見
亦當自致人中尊
其歡悅心安無量
所開化女不一二

無量百千億那術

則爲藥王大名德

因緣塵勞施安隱

今時賢者阿難白佛言猶如有人近須彌

山皆隨山光炤爲金色設懷歡欲義心奉

道法心得近菩薩皆獲一類趣諸通慧心性

自然我從今始奉侍菩薩如須彌山猶如藥

王名曰見愈有清淨心若瞋恚意見此藥者

衆病皆除菩薩如是淨不淨心姪怒癡心覲

菩薩者悉爲除愈時佛讚曰善哉阿難誠如

爾言於是賢者大迦葉白佛言甚難及也天

中天菩薩大士不可思議在所遊至爲諸衆

以愛欲心立於道

何因菩薩當有穢

何況供養奉事者

生現無畏欲空無想不願聲聞緣覺唯行此
法菩薩普護轉使更入諸通慧跡以善方便
將順其心終不穢猷色聲香味細滑法也大
迦葉復白佛言我可歎喻菩薩大士之所行
乎佛言可歎迦葉曰譬大曠野斷絕無人自
然有墻上至三十三天唯有一門無央數人
皆入曠野去之不遠有一大城其國豐熟米
穀平賤快樂難言人民衆多不可稱計其在
彼城則如金剛城傍有江江側有路曠野之
中有点慧人聰識念義懷愍欲度入曠野者
舉聲而盟稱去曠不遠大城之安永無死懼
吾爲導師來趣所樂衆人報曰吾等不行於

此不動欲覩城像城自然現尔乃往耳時復
有人解微妙者應曰當往隨仁所湊吾等如
是薄福之人聞此聲已不信不樂不從其教
不度曠野彼微妙人則度曠野觀路由河則
乘而進路之左右有百千丈深大溪澗布諸
草木四方作橋則濟危路四出無礙大賊從
後追而不懼賊自然却終不還顧稍稍前行
亦不恐懼不左右視則見大城稍近城郭心
不狐疑入彼城邑爲無量人現其儀式增益
福祚迦葉歎已陳喻大曠野者謂生死之難
墻至三十三天者謂無點所著恩愛之欲也
唯有一門者謂大乘也人入曠野者謂衆愚

真凡夫之士也黠人發願呼衆人者謂菩薩
大士所樂度無極也志劣不行欲見城者謂
聲聞緣覺也應曰當往隨仁所湊則菩薩也
聞聲不信者謂外道異學衆邪行也度曠野
者謂奉精進至諸通慧修諸三昧也路由河
者謂法門也左大溪澗百千丈者謂聲聞地
也右大溪澗百千丈者謂緣覺乘也大布置草
木作四方橋者謂善權方便慧度無極也四
出無礙者謂菩薩四恩之行攝無量人也賊
追不懼自然却者謂魔官屬及諸猗行也終
不還顧者謂忍度無極也稍稍前行謂爲菩
薩之所開化進度無極也亦不恐懼者謂以

清淨心發起衆生志平等覺也不視左右者
謂不志樂聲聞緣覺之利也則見大城者謂
達諸通慧也稍近城者謂見道功德習行佛
慧也心無狐疑者謂曉智慧善權諸度無極
則能遍觀一切衆生無所畏惡適入城已爲
無量人造現儀式增益福祚者謂如來至真
等正覺也佛天中天適興在世則爲菩薩立
于名号廣建利義於是世尊讚迦葉曰善哉
善哉乃歎斯喻說此言時万二千天與人發
無上正直道意佛語迦葉菩薩德行不可稱
計學諦微妙善權方便大士所作不爲已舉
不他人施不言有我亦不言彼時慧上菩薩

白世尊曰何謂一生補處而迦葉佛時口說
斯言用為覲是剃頭沙門安能有道佛道難
得世尊介時何緣說此佛語慧上且止族姓
子無得節限平相如來及開士行所以者何
菩薩大士善權方便不可思議其有正士當
作斯觀緣是化人族姓子聽善思念之有法
号曰善權方便菩薩從錠光佛已來所興之
慧不可思議隨時之宜敢能發起講菩薩法
從見錠光世尊以來得不起法忍無一瑕闕
無所忘失亦無亂心智慧無損已得法忍所
造菩薩一念之頃十日成佛有菩薩志發意
之間一劫之喻為一切人所在示現開化衆

生以智慧力欲得成佛大平等覺無量億劫
稱歎邪見多所發起是為菩薩善權方便又
族姓子諸聲聞學設使自在於三昧者未曾
有也不逮菩薩三昧之定身亦不動心無所
想亦非衆人身心所及又使菩薩三昧正受
不進不退常以四恩救攝群萌不失精進不
為懈怠而為衆人講六度無極是謂菩薩善
權方便又族姓子菩薩發意之頃於兜術天
逮正真覺轉于法輪閻浮利人不能自致昇
兜術天聽受經法菩薩心念天上諸天能下
至此是故正士於閻浮利而現成佛是為菩
薩善權方便又族姓子菩薩發意能從兜術

天忽然沒已不由胞胎一時之頃成最正覺
傍人有疑此所從來爲是天耶捷陁羅變化
所爲乎若懷狐疑不聽受法是故菩薩現處
胞胎是爲菩薩善權方便又族姓子無得興
念菩薩處胎勿懷斯意菩薩大士不由精胎
所以者何有三昧名曰無垢菩薩大士以斯
正受而自莊嚴兜術天人謂菩薩沒而無動
搖不覩菩薩遊于胞胎現處母腹而從脇生
棄國捐家尋坐佛樹示勤苦行普現悉遍無
所不變無有勞擾而無染汚所以者何菩薩
之瑞所化清淨是爲菩薩善權方便佛告慧
上何故菩薩自化其身紫磨金色現入胞胎

慧上。答曰：寂然清淨明白之器。世尊曰：然其
菩薩者，處衆生上，則第一尊。是則化來諸天
人民所不能及。是爲菩薩善權方便。何故？菩
薩在母胞胎，具足十月。答曰：無具而生。人儻
起念在母之懷，日月不足，諸根不具，現滿十
月，是爲菩薩善權方便。何故？菩薩生于樹園，
不在中宮。菩薩長夜，香在閑居，志樂寂寞，行
平等淨欲。今天龍鬼神、捷沓和阿須倫、迦留
羅、真陀羅、摩睺羅人，與非人皆捨室宇，寂然
供養。此諸華香普流天下，使迦維羅衛國中
人民歡喜悅豫，不爲放逸。是故菩薩在於樹
下寂寞處，生不在宮館，是爲菩薩善權方便。

何故菩薩從右脇生若不如是衆人有疑則
謂菩薩因由遘精而處胎藏不爲化育衆必
懷結猶豫難決是故示現今人開解菩薩雖
從右脅而生母無瘡瘡出入之患往古尊聖
因時如然所行無違是爲菩薩善權方便何
故菩薩母攀樹枝然後而生設不介者衆人

抄卷六十一

當謂皇后雖生菩薩必有惱患若如凡庶而
無殊別欲爲黎庶示現安隱母適攀樹枝志
性柔和則菩薩誕育是爲菩薩善權方便何
故菩薩安和澹泊忽然而生其身清淨無有
垢穢菩薩至尊三界之上雖處胎中如日照
水淨無所著不增不減故現脇生不與凡同

是爲菩薩善權方便何故菩薩適生斯須帝
釋卽下前稽首奉不使餘天其釋先始立茲
本願菩薩若生當以淨意而奉受之亦爲菩
薩本德之徵是爲菩薩善權方便何故菩薩
適見受已行地七步亦不八步是爲正士吉
祥之應應七覺意覺不覺者也自古迄于今
未有能現行七步者是爲菩薩善權方便何
故菩薩已行七步舉手而言吾於世尊天上
天下爲最第一當盡究竟生老死原釋梵梵
志及諸天子彼時衆會莫不遍集設不現斯
當各自自尊則懷憍慢便不復欲禮侍菩薩菩
薩愍念外道梵志諸天之衆長夜不安必墜

惡趣而受苦痛是故菩薩舉聲自讚吾於世尊
天上天下第一權慧超異獨步無侶當究竟盡
生老死根以此音告三千大千世界其諸天
子未有來者應聲便至尔時異學梵志及諸
天子皆共稽首敬禮讚音叉手歸誠是為菩
薩善權方便何故菩薩大悅而笑不懷輕戲
笑而不諂笑菩薩興念一切衆類本與我俱
發上道意無上正覺恐畏懈怠放逸自恣故
為卑賤愚真貢高惑音聲者解一切法至諸
通慧精進敏達使歸命佛猶斯大哀發起萌
類除却放逸見已願果彼亦普具以故正士
現大欣笑是為菩薩善權方便何故菩薩清

淨無垢而復洗浴釋梵四天所見供侍凡人
初生皆當洗浴菩薩清淨隨俗而浴況世人
乎故現此義是為菩薩善權方便何故菩薩
初生之後去到空閑於樹下坐然後入城欲
以具足諸根之本示現中宮絃歌倡伎音樂
之娛然四大錠由斯現緣令衆學效棄離財
寶樂昇微妙入家復出不興異行去家學道
則坐佛樹是為菩薩善權方便何故菩薩生
後七日其母便薨后壽終盡福應昇天非菩
薩各前處兜術觀后摩耶大命將終餘有十
月七日之期故從兜術神變來下現入后胎
以是推之非菩薩各是為菩薩善權方便何

故菩薩學書射御兵仗伎術樗蒲戲樂隨世
習俗現斯因緣三千大千世界諸所伎樂經
藏道要詩頌術數神呪所療言談嘲調示現
悉學無所不博欲令庶人不自憍慢是為菩

薩善權方便

惠上菩薩問大善權經上卷

推

開闡

下 昌反

一揣

下 正作搏 音團手

殖

常力反 亦作植

暉

曄

上 羽反

明也

芬馥

上 音伏 芳文反

也 鎧

二苦反 改苦愛

供祚

上 去聲 才故反

怯羸

上 去劫反 弱也

垂反 劣也 貧匱

下 求位也 反 乞

白

下 音蓋

勺 饒

上 音十 反 酌也

音呼 為合十合為升也 或作約 鄙劣

上 音小也

反 適

恢

共 回反 也 大也

徵

下 息淺也 少也

僥

古 堯反 求也

適

莫謂上音的 饌食床戀 罪豐 菓蘇

在下魯果反 菓瓜之類也 分衛此去聲 乞也 迷謬

下苗幼 狐疑 胡音 抑制力反 娛樂音愚 悖反 燎光

也惡 燭俱也 今首 陳其罪也 劇加 逆反 燿光

上字 焯林藪 澤音叟 關音缺 陶家 上音 孟反

姝好 反上尺朱也 雨霽 止音濟 誣橫 也上音 孟反

非也 所陷墜 去聲 彘反 匿隱 也反 茂者

上加 莫捕 張音步 引綱 綱音剛 縲紕 上音 追

薛繫也 蔭莖 於禁反 下必二反 賈人 上音 古

忖思 也反 財賄 布帛曰 憤耻 上房粉反 秉

心上音 摧拉 反上 自雷反 下郎合 怨敵 上音 下

徒的 偕音 俱音 瑕穢 過惡 也反 腐音 壞也 泡水 上音 下

反音 俱音 瑕穢 過惡 也反 腐音 壞也 泡水 上音 下

革裹

上音隔皮

也紫紺

下古暗反

無鞅

下正作央於良

軌

居水反

號哭

土音

盅道

音上

古無盡之數

焯

照字

黯慧

上閉八反智也

盟

音明也

恐懷

下其據人

猗

音倚又

錠光

上音定也

頃

傾領也

逮

反懼也

建

音代及

脅

二同虛業

捐

音緣也

省和

亦合作

遘

反古候

瘡瘡

反下即亦

誕育

余上音但

下

長

生也

澹泊

反上徒

敢反

安下正

陌

迄于

反上許訖

學

效

下教反胡

薨

反上亡

妃

音菲

樗蒲

上丑居反

戲

也下徒吊反

之弄也

也

也

也

也

也

上慧菩薩問大善權經卷上音釋

推



猪飼順良寄附

